

Segirar sasez ed ils confamigliars

Curs davart il tema iertas organisads da la BCG e da la Pro Senectute

Cuira, ils 11 da settember 2017 – La Banca Chantunala Grischuna (BCG) e la Pro Senectute Grischun organischan quest atun curs gratuits davart il tema iertas. Ils participants dals curs vegnan a savair co ch'els pon segirar il meglier sasezs e lur confamigliars.

La Banca Chantunala Grischuna s'engascha dapi il 2006 sco partenaria da la Pro Senectute Grischun. En il rom da questa collavuraziun sustegna la BCG curs e cussegliaziuns e promova cun quest engaschi l'indipendenza e la qualidad da viver da senioras e seniors.

Curs gratuits davart il tema iertas

Durant ils seminaris explitgeschan ils referents ils suandants exempels da la pratica: princips dal dretg dals bains e dal dretg d'ierta, pussaivladads per optimar la successiun legala, co proceder, sch'ins vul ceder immobiglias gia durant la vita, la giudida u il dretg d'abitar, la planisaziun da l'ierta ed il dretg da la protecziun dals creschids. Suenters ils referats datti in apert.

Detagls ed annunzia

Ils curs han lieu il settember, october e november a Flem, Tusaun, Domat, Cuira, San Murezzan e Mustér. Il dumber da plazzas è limità, la participaziun è gratuita. Vus pudais As annunziar tar la Pro Senectute Grischun per telefon 081 252 75 83 ubain via e-mail a kurse@prosenectute.ch. Ulteriuras infurmaziuns chattais Vus sut gkb.ch/prosenectute.

Contact per ils collavurators da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 993 collavuraturas e collavurators (stadi dals 30-06-2017). En il chantun Grischun cun sias numerusas vals e pliras linguas, è l'interpresa represchentada cun 58 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 24,5 milliardas in gudogn dal concern da CHF 98,7 milliuns. Il scrit da participaziun BCG è quots a la bursa dapi ils 10 da settember 1985.

Termins

Quint annual 2017: 9 da favrer 2018

Radunanza dals participants: 5 da matg 2018
